

Keputusan pilihan raya kampus UPM ditangguh

KUALA LUMPUR: Pengumuman keputusan pilihan raya kampus bagi memilih barisan Majlis Perwakilan Pelajar sesi 2008/2009 di Universiti Malaya (UM) dan Universiti Putra Malaysia (UPM), semalam berlangsung dalam suasana yang berbeza.

Pengumuman keputusan di UM berjalan lancar, berbeza ketika hari penamaan calon, yang mana fitnah tersebar mendakwa Timbalan Naib Canselor (Hal Ehwal Pelajar dan Alumni) UM, Prof Madya Datuk Dr Azarae Idris merasuah calon tertentu.

Di UPM, keputusan terpaksa ditangguhkan sehingga hari ini selepas beberapa bantahan dibuat segelintir penyokong calon pelajar yang tidak berpuas hati dengan kiraan undi yang dibuat semalam.

Sebanyak 41 kerusi dipertandingkan di UM membatikan 32 kerusi fakulti (setiap fakulti menghantar dua calon untuk bertanding) dan sembilan kerusi umum.

Kerusi umum dimenangi oleh Mohamad Hafiz Ilyas dengan 5,999 undi, Ahmad Syazwan Mohd Hassan (5,886), Mohamad Ridzuan Mohammad (5,474), Nurul Fitrah Mohd Ariffin Marican (5,425), Chong Yah Huei (5,041), Shah Rizul Ayuni Zulkipli (5,000), Low Yu Jie (4,847) dan Yap Zhehn Jun mendapat 4,683 undi.

Dr Azarae yang mengu-

menyampaikan 4,000 undi.

Dr Azarae yang mengumumkan keputusan itu pada jam 3.30 pagi semalam, berpuas hati dengan perjalanan pilihan raya dan menyifatkan semua calon bertanding atas tiket persendirian selain membawa nama fakulti masing-masing.

“Tidak ada istilah proaspirasi, promahasiswa atau calon bebas. Itu semua dilabelkan oleh pelajar sendiri. Bagi kami, semua pelajar bertanding atas tiket calon persendirian, membawa nama fakulti masing-masing dan tidak timbul sesetengah pihak (golongan yang dilabelkan) yang menang,” katanya ketika dihubungi, semalam.

Sementara itu, Timbalan Naib Canselor (Hal Ehwal Pelajar dan Alumni) UPM, Prof Azali Mohamed, berkata bantahan keputusan adalah proses normal dalam pilihan raya kampus dan penangguhan dibuat bagi membuat kiraan semula untuk kepuasan semua pihak.

“Tiada keputusan rasmi dikeluarkan hari ini (semalam). Maklumat mengenai akan diumumkan esok (hari ini), termasuk jumlah pelajar serta peratusan yang membuang undi,” katanya.

(LEADERSHIP)